

入藥鏡序

余嘗謬意仙詮渺尋之旨卽僧燈道典咸置追繹顧生逾七十徧禮方流猶迷宗滯譬不識孔穴作料乃欲循之入室是御轅航海嗟嗟難哉年來俯仰大造吞吐六氣動靜忘境有無忘竅得從異人授以玄訣一掃侗蒙不落方位不經子午不入金石草木採戰諸旁惑竊復從事自謂至簡至易雖未可語太上無生之旨然久視門戶直趨堂奧將不遠矣暇日從篋中檢斯集謾讀之言解句訂渙然不逆若於前聞契焉遂欲託之以廣志士嗚呼虛無一炁升降浮沈天地日月且不能違而況於人奈之何俗夢易酣至言難悟易日窮理盡性以至於命誠知聖言道藏輯要

入藥鏡序

壹

虛集五

所在由之直養由之無害道其在茲乎濟南于鱗李攀龍序